



REPUBLIKA E SHQIPËRISË

MINISTRIA E ARSIMIT, SPORTIT DHE RINISË
DREJTORIA E PËRGJITHSHME E ARSIMIT PARAUNIVERSITAR

KODI

Testimi i kandidatëve për Shërbimin psiko-
social në IPAP (Profili Psikolog)

E Premte, 14 dhjetor 2021
Ora 10.00

Për t' u plotësuar nga Komisioni i Vlerësimit

Pyetja	1	2	3	4	5	6	7	8	9	10
Pikë										

Pyetja	11	12	13	14	15	16	17	18	19	20
Pikë										

Pyetja	21	22	23	24	25	26	27	28	29	30
Pikë										

Pyetja	31	32	33	34	35	36	37	38	39	40
Pikë										

Rubrika	Nr. i pikëve sipas rubrikave	Pikë të fituara
Me alternativa (40pyetje*1 pikë)	40	
Totali	40	

Komisioni i vlerësimit (Emri, Mbiemri, Firma)

Pyetja 1

Dy fushat nga të cilat varet psikologjia shkollore janë:

- A) Zhvillimi dhe Edukimi
- B) Edukimi dhe Psikologjia**
- C) Psikologjia dhe Zhvillimi
- D) Shëndeti mendor dhe të nxënit

PS)B

Pyetja 2

Faktorët që influencojnë në ushtrimin e profesionit të psikologut shkollos janë:

- A) Kushtet lokale të punësimit, legjislacioni dhe financimi**
- B) Legjislacioni, dhe Financimi
- C) Financimi dhe Kushtet lokale
- D) Kushtet lokale dhe Legjislacioni

PS)A

Pyetja 3

Raporti i shkruar mbi vlerësimin psikologjik të nxënësit, i cili hartohet për të siguruar informacione më teknike, të cilat duhet të ndahen vetëm me profesionistët quhet:

- A) Raport i integruar
- B) Raport ekzaminues
- C) Raport këshillues**
- D) Raport shpjegues

PS)C

Pyetja 4

Cili nga modelet e mëposhtme evidenton nevojën për të ndërmarrë ndryshime që kanë të bëjnë me gjithë shkollën:

- A) Modeli i konsultimit të shëndetit mendor
- B) Modeli i konsultimit bihevioral
- C) Modeli i konsultimit të krizave
- D) Modeli i konsultimit organizacional**

PS)D

Pyetja 5

Dokumenti themelor i kurrikulës është:

- A) Kurrikula bërthamë
- B) Korniza kurrikulare**

- C) Programet mësimore
- D) Vlerësimi

PS)B

Pyetja 6

Cila nga kompetencat e mëposhtme bën pjesë në kompetencat themelore të përshkruara në Ligjin nr.69, date 21.6.2012 i ndryshuar me ligjin nr.56/2015,datë 28.5.2015:

- A) Kompetencën për jetën
- B) Kompetencën për sipërmarrjen
- C) **Kompetencën për jetën, sipërmarrjen dhe mjedisin**
- D) Kompetencën për jetën dhe mjedisin

PS)C

Pyetja 7

Në klasën e dhjetë të arsimit të mesëm të lartë me kohë të plotë pranohen nxënës të moshës:

- A) jo më të madhe se shtatëmbëdhjetë vjeç
- B) jo më të madhe se njëzet vjeç
- C) jo më të madhe se njëzet e një vjeç
- D) **jo më të madhe se tetëmbëdhjetë vjeç**

PS)D

Pyetja 8

Të dhënat personale të një grupi personash mund t'u vihen në dispozicion institucioneve të tjera për studime, pa zbuluar identitetin e tyre vetëm pas miratimit me shkrim:

- A) **Të drejtorit të institucionit arsimor,**
- B) Të prindërve
- C) Të nxënësve
- D) Të njësisë arsimore vendore

PS)A

Pyetja 9

Në rastet kur shkollat janë me numër të vogël nxënësish një psikolog/punonjës social do të mbulojë disa shkolla dhe numri i nxënësve do të jetë:

- A) 400 nxënës,
- B) 800 nxënës
- C) 1300 nxënës
- D) **500 – 700 nxënës**

PS)D

Pyetja 10

Punonjësi psiko-social ka për detyrë të njoftojë për të dhënat që grumbullon për nxënësin:

- A) Drejtuesit e IA-së
- B) Mësuesin kujdestar dhe drejtuesit e IA-së**
- C) Prindin
- D) Mësuesin kujdestar

PS)B

Pyetja 11

Dosja e nxënësit e hartuar nga psikologu/punonjësi social mund të lexohet përveç se nga personi që ushtron përgjegjësinë prindërore edhe nga nxënësi i moshës:

- A) 15 vjeç
- B) 14 vjeç
- C) 17 vjeç**
- D) 16 vjeç

PS)C

Pyetja 12 V)1

Oficeri i sigurisë zhvillon kontrolle fizike të nxënësve ose të mjediseve:

- A) Vetëm në raste emergjente ose me vendim nga drejtoria e IA-së**
- B) Kur kërkohet nga bordi i prindërve
- C) Me kërkesë të mësuesit kujdestar
- D) Me vendim nga drejtoria e IA-së

PS)A

Pyetja 13

Ndërhyrja duhet të jetë urgjente dhe të sigurojë largimin e fëmijës nga situata në rastet:

- A) e rrezikut të ulët
- B) e rrezikut të lartë
- C) e rrezikut të mesëm
- D) e rrezikut të menjëhershëm**

PS)D

Pyetja 14

Vlerësimi fillestar i nivelit të rrezikut kryhet pas raportimit:

- A) maksimalisht brenda 24 orëve
- B) maksimalisht brenda 48 orëve**
- C) minimalisht brenda 48 orëve
- D) minimalisht brenda 36 orëve

PS)B

Pyetja 15

Cili është afati kohor pas hartimit të planit të parë, gjatë të cilit punonjësi i mbrojtjes së fëmijës, sipas rastit ose kërkesës së njërit prej anëtarëve të Grupit teknik ndërsektorial ka detyrimin të bëjë rishqyrtimin e Planit Individual të Mbrojtjes së fëmijës në nevojë:

- A) të paktën 2 javë
- B) të paktën 4 javë
- C) të paktën 6 javë**
- D) të paktën 8 javë

PS)C

Pyetja 16

Përshkrimi i gjendjes së shërbimit psikologjik për secilën fushë të shërbimit psikologjik i referohet:

- A) Standardit të vlerësimit**
- B) Shkallës së vlerësimit
- C) Instrumentit të vëzhgimit
- D) Treguesit të vlerësimit

PS)A

Pyetja 17

Cilët janë mekanizmat këshillimorë dhe koordinues institucional në nivel vendor për të drejtat dhe mbrojtjen e fëmijës:

- A) Agjencia Shtetërore për të Drejtat dhe Mbrojtjen e Fëmijës
- B) Ministri që bashkërendon punën për çështjet e të drejtave dhe mbrojtjes së fëmijës
- C) Bashkia
- D) Grupi teknik ndërsektorial në nivel bashkie apo njësie administrative**

PS)D

Pyetja 18

Përdorimi i dhunës për arritjen e objektivave në politikë i referohet:

- A) Radikalizimit në dhunë
- B) Ekstremizmit të dhunshëm**
- C) Kundëradikalizimit
- D) Qëndresës

PS)B

Pyetja 19

Mësuesit kanë pritshmëri të larta për arritjet shkollore apo dhe në fusha të tjera të çdo nxënësi. Cilës prej vlerave të mëposhtme që shërbejnë si baza për punën e të gjithë mësuesve në arsimin gjithëpërfshirës i referohet ky përkufizim:

- A) Vlerësimi i diversitetit të nxënësit
- B) Bashkëpunimi me të tjerët
- C) Mbështetja e të gjithë nxënësve**
- D) Vazhdimësia e zhvillimit profesional individual

PS)C

Pyetja 20

Reforma arsimore krijon kushtet që nxënësit të ndërtojnë njohuri të reja e kompetenca dhe të aftësohen për t'iu përgjigjur zhvillimit të vendit dhe ndryshimeve në tregun e punës. Cilit prej parimeve udhëheqëse të Strategjisë së zhvillimit të Arsimit Parauniversitar i përket ky pohim:

- A) Arsim për jetën**
- B) Mbështetje komunitare
- C) Sistem arsimor i njësuar
- D) Sistem arsimor i panjësuar

PS)A

Pyetja 21

Psikologët shkollore marrin pëlqim me shkrim ose jo për të ofruar shërbime për nxënësit. Kjo ka të bëjë me:

- A) Parimin e konfidencialitetit
- B) Parimin e pëlqimit të informuar**
- C) Parimin e konfliktit të interesit
- D) Parimi i kompetencës profesionale dhe përgjegjësisë

PS)B

Pyetja 22

Në rastin kur shkolla konsiderohet një sistem, cila prej alternativave të mëposhtme nuk ka të bëjë me suprasistemet (faktorët fizikë dhe socialë të jashtëm për kufijtë e sistemit):

- A) Njësia administrative
- B) Komuniteti lokal
- C) Klasa**
- D) Politikat e mirëqenies së fëmijëve

PS)C

Pyetja 23

Cili prej pohimeve të mëposhtme është i gabuar?

- A) Psikologu luan rolin e menaxherit të rastit për fëmijën, kur shkolla nuk ka punonjës social.
- B) Psikologu luan rolin e pikës së kontaktit për shkëmbimin e informacionit me institucionet e tjera për fëmijën, kur shkolla nuk ka punonjës social.
- C) Psikologu realizon koordinimin me institucionet e tjera që ofrojnë mbështetje për fëmijën dhe familjen, kur shkolla nuk ka punonjës social.
- D) Psikologu realizon koordinimin me institucionet e tjera që ofrojnë mbështetje për fëmijën dhe familjen, edhe kur shkolla ka punonjës social.**

PS)D

Pyetja 24

Shkollat si qendër komunitare, funksionojnë bazuar në:

- A) Plane të gatshme
- B) Standarde**
- C) Objektiva afatshkurtër
- D) Objektiva afatgjatë

PS)B

Pyetja 25

Cili prej pohimeve të mëposhtme është i gabuar?

- A) Bullizmi në shkollë ndikon në shëndetin mendor të nxënësit.
- B) Bullizmi në shkollë ndikon në performancën akademike të nxënësit.
- C) Bullizimi në shkollë nuk ndikon në shëndetin fizik të nxënësit.**
- D) Bullizimi në shkollë ndikon në gjendjen emocionale të nxënësit.

PS)C

Pyetja 26

Në raportin e një vlerësimi psikologjik përfshihen të gjitha alternativat më poshtë përveç:

- A) Procedurat e vlerësimit
- B) Sjelljet përgjatë procesit të vlerësimit
- C) Përmbledhje dhe rekomandime
- D) Seancat e këshillimit psikologjik**

PS)D

Pyetja 27

Cila prej masave të mëposhtme nuk ndikon në krijimin e sfondit të nevojshëm që masat antibullizëm të jenë të suksesshme në shkollë.

- A) Masat për të rritur performancën akademike të nxënësve.
- B) Masat që nxisin kulturën gjithëpërfshirëse të shkollës.
- C) Masat që nxisin mosdiskriminimin në shkollë.
- D) Masat që promovojnë kulturën demokratike në shkollë.

PS)A

Pyetja 28

Rezultatet e pritshme të nxënësit bazuar në pesë fushat e zhvillimit të përfshira në Planin Edukativ Individual (PEI) rishikohen:

- A) Çdo 1 muaj
- B) **Çdo 3 muaj**
- C) Çdo 6 muaj
- D) Çdo 1 vit

PS)B

Pyetja 29

Detyrimi i fëmijëve të zbatojnë rregulla jo logjike - “Thjesht, sepse kështu them unë” - pra kështu thotë adulti (mësuesi/prindi) ka të bëjë me:

- A) Dhunë fizike
- B) **Dhunë psikologjike**
- C) Disiplinim
- D) Neglizhim

PS)B

Pyetja 30

Përdorimi i shpërblimeve tek nxënësit:

- A) Duhet të jetë i fokusuar tek shpërblimet materiale
- B) Duhet të jetë i vazhdueshëm
- C) Duhet të jetë konsistent
- D) **Duhet të jetë i ndryshueshëm**

PS)D

Pyetja 31

Cila është një nga karakteristikat e vendit të punës që ndikojnë në performancën që shfaq psikologu shkollor:

- A) Ndryshimet social kulturore
- B) Karakteristikat profesionale

- C) Koha e punës së psikologut shkollor
- D) Karakteristika personale

PS)A

Pyetja 32

Cilët nga psikologët i ndihmojnë fëmijët – nxënës që të njohin fuqitë dhe burimet që mund të kenë për të reduktuar shqetësimet e tyre:

- A) Psikologët e edukimit
- B) Psikologët shkollorë
- C) Psikologët këshillues
- D) Psikologët organizacionalë

PS)C

Pyetja 33

Me cilin prej fokuseve të punës së psikologut shkollor ka të bëjë vlerësimi i efektivitetit të programeve akademike:

- A) Edukimin
- B) Parandalimin
- C) Konsultimin
- D) Kërkimin dhe planifikimin

PS)D

Pyetja 34

A janë procedurat e vlerësimit në gjendje që të rrisin aftësinë e personelit të shkollës për të identifikuar nxënësit me probleme? Kjo pyetje na ndihmon për të ndërmarrë:

- A) Vendimet e preferuara për klasën
- B) Vendimet e preferuara për fëmijën
- C) Vendimet në klasë
- D) Vendimet në rezultate

PS)B

Pyetja 35

Përmirësimi i vazhdueshëm i cilësisë së shërbimit arsimor për të gjithë nxënësit në institucionet arsimore parauniversitare publike, në përputhje me legjislacionin në fuqi është detyrë e:

- A) Njësisë bazë të qeverisjes vendore

- B) Inspektoratit shtetëror të arsimit
- C) Ministrisë së Arsimit
- D) Njësisë arsimore vendore

PS)A

Pyetja 36

Kontribuimi në mbarëvajtjen e institucionit është një detyrë e:

- A) Nxënësit
- B) Mësuesit
- C) Prindit
- D) Drejtorit të institucionit arsimor

PS)C

Pyetja 37

Bazuar në Rregullore për IAP-t 2020 nxënësi mbetet në klasë kur është:

- A) jokalues në të paktën 4 lëndë
- B) jokalues të paktën në një lëndë në sesionin e parë
- C) jokalues në të paktën 2 lëndë
- D) jokalues të paktën në një lëndë në sesionin e dytë

PS)D

Pyetja 38

Në njërën prej seancave të këshillimit nxënësi shprehet se për shkak të depresionit që ai ka në pjesën më të madhe të kohës, përpiqet që të shmangët nga përballimi i vështirësive në jetë apo çfarëdolloj gjëje që mund ta bënte të ndihej më në depresion. Ai dëshiron që të ndihet i gëzuar, por ka frikë që të ndërmarrë hapa për këtë gjë. Pas përfundimit të kësaj seance psikologu referon rasti tek një profesionist i fushës, pasi e ndien që nuk ka eksperiencën e kompetencën e duhur për tu marrë me këtë rast. Bazuar në dokumentin e Inspektimit dhe vetëvlerësimit në shkollë i psikologut shkollor ky veprim i psikologut reflekton:

- A) Njohjen e limiteve të këshillimit
- B) Zotërimin e koncepteve të qarta të këshillimit
- C) Shkathtësi specifike për këshillim
- D) Zotërimin e një etike përparuese këshilluese

PS)D

Pyetja 39

Ju kërkohet të hartoni një plan sigurie të IA-së, për të përcaktuar rreziqet e mundshme e daljet emergjente, duke minimizuar kështu burimet e aksidenteve. Si do të vepronit:

- A) Do e realizonit në bashkëpunim me mësuesit
- B) Do ia linit në dorë oficerit të sigurisë, pasi nuk është detyrë e juaja
- C) Do e realizonit në bashkëpunim me bordin e shkollës
- D) Do e realizonit në bashkëpunim me këshillin e prindërve

PS)B

Pyetja 40

Gjatë punës tuaj ndieni që mësuesit dhe aktorë të tjerë në shkollë mbajnë qëndrime diskriminuese ndaj jush. Nga do ta nisnit fillimisht ankimimin lidhur me këtë shqetësim:

- A) Drejtuesi i institucionit arsimor
- B) Zyra Vendore Arsimore
- C) Drejtorja Rajonale Arsimore
- D) Nga niveli më i ulët institucional dhe vazhdon i përshkallëzuar deri tek niveli më i lartë

PS)D